

ԻՍՊԱՆԻԱՅԻ ԴԵՍՊԱՆՆ ԱՅՅԵԼԵՅ ՄԱՅՐ ԱԹՈՒ ՍՈՒՐԲ ԷԶՄԻԱՍԻՆ

Հունիսի 27-ին Մայր Աթոռ Ս. Էջմիածին ժամանեց Հայաստանի Հանրապետությունում Իսպանիայի նոր նշանակված դեսպան Խուան Անտոնիո դե Իտուրիազա Բարբերան՝ իր տիկնոջ և դեսպանատան աշխատակից Ռաֆայել Դեսկալյար Մասարրեդոյի ուղեկցությամբ: Վեհարանում հարգարժան հյուրերին ընդունեց Մայր Աթոռի Դիվանապետ Գերաշնորհ Ներսես Արք. Պողոսյանը:

Սրբազան Հայրն անձամբ իր և Նորին Սրբություն Գարեգին Ա Ամենայն Հայոց Վեհափառ Հայրապետի անունից շնորհներ և ողջունեց պարոն Իտուրիազային և շնորհավորեց նրան այդ դժվարին և պատասխանատու պարտականության ստանձնման առթիվ և մաղթեց նրան բազում հաջողություններ Հայաստանում:

Այնուհետև Սրբազան Հայրը հյուրերի խնդրանքով նրանց պատմեց Հայ Առաքելական Եկեղեցու տնցած դժվարին և տառապալից ուղու մասին, ներկայացրեց մեր Եկեղեցու արդի վիճակը, նրա ունեցած դերը, նշանակությունը, խնդիրներն ու առաքելությունը մեր ազատ ու նորանկախ հանրապետության կյանքում: Սրբազան Հայրը ներկայացրեց նաև Հայ Առաքելական Եկեղեցու կառուցվածքն ու Հայաստանում և քն՝ Սփյուռքում: Նա շեշտեց այն հանգամանքը, որ Հայ Առաքելական Եկեղեցին մշտապես համագործակցել և այժմ էլ սերտ բարեկամական փոխհարաբերությունների մեջ է գտնվում աշխարհի այլ երկրներում Եկեղեցիների հետ:

Հյուրերը ծանոթացան Հայ Առաքելական Եկեղեցու յազմադարյա պատմությանը, շրջեցին Մայր Աթոռի բանգարաններում և դիտեցին հայ եկեղեցական արվեստի գանձերը:

ԱՆԳԼԻԱՅԻ ՌԻՍԱՆՈՂՆԵՐԻ ԽՄԲԻ ԱՅՅԵԼՈՒԹՅՈՒՆԸ ՄԱՅՐ ԱԹՈՒ Ս. ԷԶՄԻԱՍԻՆ

Հուլիսի 11-ին Մայր Աթոռ Ս. Էջմիածին այցելեց Անգլիայից Հայաստան ժամանած ուսանողների և ուսանողուհիների խումբը՝ «Ուսուցողական համադրություններ» ծրագրի լեկավար պարոն Ջոն Օքերֆոլի գլխավորությամբ: Խմբին հյուրընկալեց և Վեհարանի իր աշխատասենյակում ընդունեց Նորին Սրբություն Գարեգին Ա Ամենայն Հայոց Կաթողիկոսը:

Տեղի ունեցած անկեղծ և ջերմ զրույցի ընթացքում Վեհափառ Հայրապետը հյուրերի խնդրանքով մանրամասն տեղեկություններ հաղորդեց Հայ Առաքելական Եկեղեցու նստավայր և հայ ժողովրդի հոգևոր կենտրոն Ս. Էջմիածնի, Մայր Աթոռի գործունեության մասին, համառոտ կերպով նրանց ներկայացրեց հայ ժողովրդի և Եկեղեցու յազմադարյա պատմությունն ու անցած ուղին:

Վեհափառ Հայրապետը խիստ կարևորեց հայ ժողովրդի համար Եկեղեցու դերն ու նշանակությունը հատկապես այս դժվարին ու հակասություններով լի ժամանակաշրջանում:

Պատմելով Հայ Առաքելական Եկեղեցու մասին, Նորին Սրբությունն անդրադարձավ նաև էկումենիկ փոխհարաբերություններին և համագործակցությանն աշխարհի այլ եկեղեցիների հետ՝ դրանց թվում մատնանշելով Հայ Առաքելական Եկեղեցու պատվիրակության աշխույժ և գործնական մասնակցությունը վերջերս Ավստրիայի Գրաց քաղաքում հրավիրված եվրոպական երկրորդ էկումենիկ Համաժողովին: